

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Meditationum evangelicarum pars tertia, hoc est:  
Tractatio evangeliorum tam dominicalium, quam  
festivalium, ad recte se sub variis tentationum generibus  
gerendum, disposita**

**Creide, Hartmann**

**Francofurti ad Moenum, 1682**

De tertio

[urn:nbn:de:bsz:31-126133](#)

**Cata hominum, propter pœnitentiam, Sap. 21.v.24.**

Quod si morbis correptus, multis doloribus obnoxius es: Ecce homo! spæta Christum, quomodo tui causa miserandum in modum tractatus est. Vete tulit dolores nostros, Esa. 53.v.4.

Quod si in manus servorum militum devenis, qui te crudeliter angustiant & cruciant: Ecce homo! is hoc quoque tui causa sustinuit, & omnem injuriam, quæ tibi in mundo obtingit, ita sanctificavit, ut tibi omnia in bonum cedant, Rom. 8.v.28.

Quod si tunica tibi plane exuatur, & contra laceratis pannis incedere cogaris: Ecce homo! Servatori tuo idem hoc contigit. Summa, quodcunque tibi accidat, hoc exemplo solare te, omnium rerum vicissitudo est: sicuti conformis fuisti crucifixo ejus corpori; ita quoque conformaberis corpori ejus gloriose, Phil. 3. v. ult. sicut socius fuisti crucis, sic & socius eris lucis, sicut misericordia etiam gloria, etisque cum eo semper, i. Thess. 4. v. ult.

### De Tertio.

**R**estat tertium & ultimum, nempe Christicondemnatio, ubi consideranda,

1. **Judæorum truculentia**, quam declarat

1. **Pontificum impetus**, qui probatur

1. **Ex postulata crucifixione**. Certatum enim clamant, cum ministris suis: Crucifige, crucifige.

Alias non usitatum fuit Judæis, facinorosos crucis supplicio afficere, sed gentiles hoc genere mortis maleficos suos punire solebant: quod igitur crucifixionem hanc

tantopere urgent, id non temere factum est, sed definito consilio & præscientia Dei, Act. 2.v.23. Judæi ipsum tradiderunt, Ethnici crucifixerunt, ut innueretur, fore eum Servatorem, tam Judæorum, quam Gentilium, fecit enim utraque unum, & medium parietem maceræ solvit, Eph. 2. vers. 14, ut jam sublatu discrimine, omnes unum sint in Christo Jesu, Gal. 3. vers. 28.

2. **Ex repetita accusatione**. Quia enim Pilatus super crudelitate Pontificum, & servorum ejus indignatus, ipsis dicebat: Accipite eum, & vos eum crucifigite: ego enim non invenio in eo causam. Ipsi objiciunt legem, quam ipsis Romanus Imperator tartam teatam concesserat, dicens: Nos legem habemus, & secundum legem nostram debet mori, quia Filium Dei fecit.

Id apertum mendacium erat. Non enim seipsum Filium Dei fecerat, sed erat talis, primò naturaliter, ratione æternæ generationis à Patre, Psal. 2. vers. 7. Deinde personaliter, ratione unionis personalis, ipso Deo de cælo contestante: Hic est Filius meus dilectus, Matth. 3.v. ult. Matth. 16. v. 16.

Id à Judæis pro blasphemia habebatur, sicut adhuc hodie omnes Judæi & Turcae hoc ipso offenduntur, putantes, si Deus Filium haberet, eundem quoque uxore indigere. Judicant ita de summo hoc mysterio ex cœca ratione, verum dum putant se sapientes, stulti fiunt, Rom. 1.v.22.

Nos ex verbo Dei satis certi sumus, esse quidem unicum DEUM, verum in una illa essentia tres distinctas personas, Patrem, Filium, & Spiritum sanctum. Pater

Dominica Judica.

204

ā nemine est, velut primus & novissimus, Esa. 44. verf. 6. Filius ā Patre, Psal. 2. verf. 7. Spiritus sanctus procedit ā Patre & Filio, Joh. 15. v. 16. qua ratione hoc fiat, non constat nobis, sed in vita æterna deum experiemur, ubi non ex parte cognoscemus, sed perfectio sequetur, 1. Cor. 13. v. 20.

2. Pilati metus, quem prodit,

1. Privata exploratio. Quia enim audiebat, Judæosiphi imputare, quod seipsum Filium Dei fecisset, cum se ipso deliberat, & metuit, ne Filium Deorum judicandum coram se haberet, sicuti Gentiles, Deos quandoque cælo descendere, & cum hominibus conversari, opinabantur, qua in opinione Lystrenses quoque fuisse, ex Actor. 14. v. 8. & seqq. constat.

Id vero Pilatum non parum afflxit, id eo querit ex Christo sollicitus: Unde sit? Sed Jesus nullum responsum dat ei. Quia enim Christo illuserat, & dixerat: Quid est veritas? jam indignum reputat, cui responsum ille det.

Hinc discimus nos,

1. *Quid sit conscientia.* Pilatus probenoverat, Christum insoltem esse, nihilominus in gratiam Judæorum indignis adeo modis tractari iussera. Ideo conscientia ejus sensim evigilat, & incipit metuere. Cum sit enim timida nequitia, dat testimonium condemnationis, Sap. 17. v. 11. 12.

Hoc probe consideremus, & ante omnia eo spectemus oportet, ut fidem & bonam conscientiam habeamus, 1. Tim. 1. v. 19. hæc enim juge est convivium, Prov. 15. v. 15. qui vero mala conscientia prædictus est carnificem perpetuum in sinu suo alit. Unde Lutherus, malam bestiam, quæ facit ho-

minem stare contra seipsum, appellat. Tandem desperatio certissima consequitur, ut exemplum Judæ probat. Væ vero inconstantibus, Sir. 2. verf. 14. horum enim pars est in stagno, ardente sulphure & igne, quæ est mors secunda, Apoc. 21. verf. 8.

2. *Quid sit patientia.* Christus Pilato nullum responsum dabat, quia indignus eō erat. Hoc ipso nos quidem potissimum docet, ne sanctum canibus demus, Matth. 7. v. 6. Adhuc hodie enim Epicurei ejusmodi occurunt, qui Christum cum Ministris suis despiciunt, in tota vita sua, deinde quando morti appropinquant, solatium & promissionem Regni cœlestis à verbi Ministris expectant. Verum

Ah dubito ne gratia

Quas sic abusus est data

Hunc derelinquat tandem.

Deus enim defetiscitur misereri, Jer. 15. v. 7. & quando divitiae bonitatis ejus, & patientia, & longanimitatis contemnuntur, & in peccatis perseveratur, tandem locum habet illud Salomonis: Vocavi & renui- flis, Prov. 1. v. 24. & seqq.

Sed & simul docet nos, quomodo injuriam, quæ nobis infertur, non ad amissim exiger, sed patientia sufferre debeamus, dicentes cum Davide: Obmutescam & non aperiam os meum, quia tu facies, Psl. 39. v. 11.

2. *Severa expostulatio.* Ubi enim Pilatus ei respondere non vult, expostulat cum eo, inquiens: Mihi non loqueris & nescis, quia potestatem habeo, crucifigere te, & potestatem habeo, dimittere te: Hæc verba plena fastu erant. Ideo Servator ea silen-

tio

tio præterire non potest, sed ait ad Pilatum: Non haberes potestatem adversus me ultam, nisi tibi data esset desuper: propterea, qui me tradidit tibi, majus peccatum habet.

Hinc agnoscamus

1. *Tyrannorum insolentiam*, dum abutuntur potentia suâ, arbitrantes, sibi quidvis licere, sicut Jesabel & Achab dixit: Tu nunc administras Regnum super Israel &c. 1. Reg. 29. v.7.

Sic adhuc hodiè ejusmodi insolentes Magistratus inveniuntur, qui potestatem suam ad illicita quoque extendunt, corumque Symbolum est: Fortitudo nostra lex justitiae, Sap. 2. v.11. Verùm: Potentes potenter tormenta patientur, Sap. 6. v.7.

2. *Magistratus dependentiam*: non enim potestatem suam habet à seipso: sed à Deo, ideo non extolli, sed semper Deum respicere debet, qui eum in hoc throno posuit, ideoque & vicissim dejicere illo potest, ut B. Maria testatur, Luc. 1. v.52.

Cum Fratres Josephi metuerent, ne veterem injuriam vindicaret, quia in amplissimo Magistratu constitutus erat, ipse illos erigebat, dicens: Nolite timere, quia sub Deo sum ego, Gen. 50. v.19. Ita Christiani Magistratus perpendant, se limitatam habere potestatem, quæ contrà Deum ejusq; gloriam & Regnum se non extendit, ideoque cautè agant, ne inopem, peregrinum, viduas & orphantos injuriā lacessant, quoniam vindex est Dominus de his omnibus. 1. Thess. 4. v.6.

3. *Peccatorum differentiam*, habent enim gradus suos, quia hic Judæis majus peccatum imputatur, quam Pilato, quia tamen propterea non justificatur, sed quilibet Vid. Dösch. § 777a. in 1. Ep. Joh. p. 13. ed 128.

onus suum portare cogitur, quod adeò graviter eum pressit, ut eundem ad desperationem adeggerit, & ferro necaverit se, prout historiæ niemorant.

Hoc probè animadvertisimus. Ingens enim dicrimen est inter peccata ex infirmitate, & malitiâ commissa. Quod peccata ex infirmitate attinet, easine proposito, à renatis sunt, per præventionem carnis corruptæ, e. g. quando Noah inebriatur, Gen. 9. v.21. 1. Sam. 25. v.22.

Sicut adhuc hodie non nunquam ex improviso pio aliquo Christiano verbum otiosum elabitur, & id genus alia. Hæc vocantur peccata venialia, non ex natura suâ: sed propter eventum accidentarium, quatenus à renatis, illicè per seriam contritionem & pœnitentiam delentur, hinc sit, ut propter Christum iis ad damnationem non impudentur, sed tegantur, ut in æternum eorum Deus non recordetur, Psal. 32. v.19.

Quod vero peccata voluntaria attinet, quæ ex proætri committuntur, illa iterum gradus suos habent, semperque unum majoris est altero, ideo hic Christus ait ad Pilatum: Qui me tradidit tibi, majus peccatum habet.

Hos peccatorum gradus exactè dignoscere possumus:

1. *Consideratione objectorum*. Majus enim & gravius committit peccatum is, qui contrà Deum, quam qui contra se ipsum delinquit, & qui contrà se ipsum, quam qui contrà consanguineum peccat, & qui contrà consanguineum, quam qui contrà proximum in genere peccat; sic & gravius peccat, qui plura præcepit, quam qui unum transgreditur & violat; hoc respectu Deus

aliquando judicabit, reddens unicuique juxta opera sua, Psal. 62. v. ult.

2. *Consideratione subjectorum.* Ubi enim nulla tentatio, seductio, occasio, indigentia, metus, coactio &c. adest, ibi commissum peccatum gravius astimandum venit, quam si enumeratorum unum vel alterum subest. Hinc lapsus Luciferi gravior est, lapsu Protoplasmorum, proditio Judæ gravior abnegatione Petri, adulterium gravius quam furtum ex necessitate commissum, & sic ulterius. Similiter, ubi Deus gratiam & dona sua distribuit, & illa despiciuntur, ibi magis peccatur, quam à talibus, qui his donis & gratiâ destituuntur. Luc. 12. v. 47.

3. *Consideratione adjunctorum.* Qui enim sacrilegium committit, deterior est fure vulgari: qui Sabbathô peccat, & post pœnitentiam in anteriora peccata relabitur, vel unum peccatum laepius iterat, gravius delinquit, quam ubi id non accidit. Ideoque Deus pro mensurâ peccati, & plagarum, peccata puniti mandavit, Deut. 25. v. 2.

Id exactè perpendere, & peccata declinare discamus, ne legem Dei violemus, & ita iram ejus attrahamus nobis, quæ ardet, usque ad inferni infima, Deut. 32. v. 22.

3. *Tentata liberatio.* Exinde enim quærebat Pilatus dimittere eum. Verum propositum hoc non adeò firmum fuit. Habebat enim potestatem, ut ipse prodiceret se, ut Christum crucifigere & dimittere posset. Quia verò summi Pontifices eum muneribus suis corruerant, ideo illos offendere solebat. Et quia magis diligebat honorem hominum, quam honorem Dei, Joh. 12. v. 43. ideo honori ejus in-

famiae labes adspersa est, ut jam anniversariè in universa Christiana Ecclesia, de iniquo judicio prædicetur, quod adversus Christum tulit, in æternum ejus opprobrium: hoc ita fructus peccati est, Rom. 6. v. 21.

#### II. Mortuus sententia, ubi notetur

1. *Impulsus,* qui fuit minatio Judæorum, quod eum coram Imperatore accusatur essent, clamabant enim dicentes: Si hunc dimittis, non es amicus Cæsarî, omnis enim qui se Regem facit, contradicit Cæsari.

Hoç ipso tandem terrent & commovent Pilatum, ut obsequium ipsis præstet, ne forte Cæsarî indignationem incurat, vel planè ab officio removeatur, si apud eum accusetur, quod manifestum rebellum, qui Regem in præjudicium Cæsarî se constituerit, dimiserit.

Videmus hîc, nihil novi esse, si hostes Evangelicæ veritatis adhuc hodie nos velut Rebelles diffament, qui Imperatori Romano debitam fidem non præstems, imprimis verò crimen læsa Majestatis astimant, quando Pontificem Romanum, Anti-Christum profitemur, id ajunt, summam esse injuriam, quâ per latus & oblique Imperator notetur, qui Pontificiæ Religiōni addictus, Pontificem caput Ecclesiæ veneretur.

Verum ut idem Servatori, falso tamen imputatum fuit, urypte qui ipsemet di-dachim solverat, Matth. 17. v. ult. & Cæsari dari iussierat, Matth. 22. v. 21.

Ita nobis conscientia nostra testis est, quod Imperatori nullam injuriam inferimus, sed orantes pro salute ejus, debitam ei obedientiam & fidem præstems.

Cum

Cum Papâ verò nihil nobis commercii est, sed sicut de Babel exivimus, ita etiam abominationes ejus minus probare possumus: Id verò nihil ad Imperatorem, Magis enim oportet obedire Deo, quām hominibus, Act. 5. v. 20.

## 2. Processus, ubi indicatur

1. Tribunalis occupatio. Hinc Evangelistæ: Pilatus autem cum audisset hos sermones, quod nimirum Cæsar is iram ipsi minitati sunt, adduxit foras JESUM & sedit pro Tribunali, in loco, qui dicitur Lithostrotos, Hebraicè autem Gab-batha.

Hoc Tribunal in publico foro juxta Prætorium, lapidibus exstructum & supra terram latum fuisse, ut per gradus aliquot ascendendum fuerit, in quo Præfes sententiam pronunciaturus federit, Buntingius in Itinerario suo scribit,

Hoc improbandum non est. Deus enim in judicio præsens est, ideoque ibi nihil latenter, sed omnia aperit & justè agi debent, ut conspectis cœli nubibus, ille simul cogitetur, qui aliquando in nubibus venier, judicaturus vivos & mortuos, Act. 10. v. 42. Oculi enim ejus sunt lucidiores Sole, circumspicientes omnes vias hominum, Sir. 23. v. 28. Imprimis verò Tribunalia ideo exaltata fuerunt, ut qui in illis fuderint, subinde despicerent & meminerint, quod Deus, qui exaltavit illos, facile quoque eosdem dejicere possit, si iniquitatem Ministri sint, prout Eli Sacerdoti summo contigisse memoratur, 1. Sam. 4. v. 18. & Herodi, cum acclamari sibi fineret: Vox Dei, non hominis, Act. 12. v. 22.

Observetur autem hīc

1. Temporis nota, nempe in paræsceve Paschæ horā quasi sexta: hoc circā meridiem factum, ubi Sol ferventissimus est, & hoc ipso pius Servator innuere nobis voluit, quod quæcumque faciat, & patiatur, ex ardentissimo erga genus humanum amore sustineat, eo fine, ut ira Dei placetur, & per se pax constituantur in virtute sanguinis sui, quem in flagellatione profuderit, & nunc porrò profusurus sit in arā crucis, sicut & Paulus loquitur, Coloss. 1. v. 20.

Videmus hīc: quemadmodum Evangelistæ tempus accuratè notarunt, quo Christus crucifixus: ita etiam nostras afflictiones demensas, juxta numerum, pondus & mensuram, Sap. 11. v. 21. præterea que ne capillus quidem capitis lædi potest, Matth. 10. v. 30.

2. Propositionis forma: ait enim ad Iudeos: Ecce, Rex vester! Pilatum non latebat, quod diu Regem expectassent, tūm & perceperat, quod ante quatriduum Hosanna ipsi acclamassent, & de ejus adventu non parum lætati essent, ideo ipsis exprobaret levitatem, quod Regem diu expectatum ad mortem postulent.

Talis est favor vulgi, quo non tutò confidendum.

- - - Semper variabile vulgus,  
Fallitur & fallit, vulgi qui pender ab ore.

Optima ratio est, quando in Deo fiduciam ponimus, simul quoque prudenter ambulamus, exemplo Christi non cunillet nos credentes, Joh. 2. v. 25. multæ enim sunt insidiæ dolosi, Sirach. 11. v. 31. Qui verò

Spem



Spem Numinis non abjicit,  
Haud irriū lactatur:  
In hācce rupe qui struit  
Quamvis is invadatur  
Molestia, non sentio  
Talem virum cadentem  
Qui fidit hoc solatio,  
Non deserit fidentem.

3. *Judeorum replica.* Perseverant enim in proposito suo, dicentes: Tolle, tolle, crucifige eum. Dicit eis Pilatus: Regem vestrum crucifigam? Responderunt Pontifices: Non habemus Regem, nisi Cæsarēm.

Hic sermo inconsideratus fuit. Deus enim Regem se illis ē fratribus eorum datum promiserat: Jam verò Regem Ethnicum desiderant, sequē Imperatori Romano subjiciunt, qui tamen semper libertatem suam pleno ore jactaverant, Johan. 8. v. 33.

Hanc pœnam adhuc hodiē luunt, ut, quia Imperatorem Romanum semel elegerunt, nunc sub alieno Magistratu miserè degant: sicuti tanquam populum vastatum & direptum ante oculos nostros conspicimus, in execrationem, & in stuporem, & in maledictum & in opprobrium, Jer. 42. v. 18. quæ delolatio usque ad finem super eos perseverabit, Dan. 9. v. ult.

#### II. *Solennis protestatio, quæ duplex,*

##### 1. *Ceremonialis.* Pilatus enim acceptā

*Mang abhūtaqua lavit manus.* Magnus enim tumultus et cor pblliterat in populo: & licet verbis excusasset se, vix tamen excusationem ejus audire potuissent: ideo accepta aqua lavit corā omni populo manus.

Adhuc hodiē non pauci occurunt, qui

#### Dominica Iudica.

voluntariē & destinatē injuriam inferunt, deindē ad Pilati malluvium se conferunt, ut hoc modo malitiam suam incutient, aut ad alios devolvant. Verūm hæ & similes excusationes locum non invenient die novissimo, ubi unusquisque pro leipo rationem reddet Deo, Rom. 14. v. 13. Aqua verò peccato abludo minimē idonea est: Si laveris te nitro, & multiplicaveris tibi sapōnem: maculata es in iniquitate tuā corā me, dicit Dominus, Jerem. 2. v. 22.

2. *Vocalis.* Addit namque insuper: Innocens ego sum à sanguine hujus justi. Hoc iterum innocentiae Christi egregium testimonium est, quod probè advertamus, & aureis characteribus tabulae cordis nostri inscribamus. Congruè enim delevit peccata aliena, qui propria non habuit. Augustinus. Confer Hebr. 7. v. 27.

Observamus hic, licet Pilatus salutare uxoris suæ consilium insuper haberit, quod tamen ex admonitione ejusdem, aliquid notaverit, siquidem ipsis ferè formilibus uititur, quibus ab uxore sua monitus fuerat. Innocens enim ego sum, inquit, à sanguine hujus justi.

Animus hoc addat Christianis Matronis, ut, si quandoque tunidos Pilatos, aut pertinaces Nabales maritos habeant, qui fidele suum consilium aspernantur, ne tamen desistant, quò minus blandis suis admonitionibus iis autem vellant, utrum per mulierum coversationem illi luciferi possint, 1. Petr. 3. v. 1. sic enim gaudebunt suā conscientia. Tempus demum veniet, ubi stimulos conscientiæ sentient præfrati mariti, ubi res præter opinionem ceciderit, quod Pilato accidisse, non dubitan- dum

dum est. Ubi enim mensura peccatorum impleta est, adscendit furor Domini, ut nulla adsit curatio, 2. Chron. 36. v. 16.

3. *Annexa comminatio.* Addit enim: Vos videritis, quomodo Deo & conscientiae vestrae satisfaciatis. Quô ipso omnem culpam à se in Judæos devolvere volebat.

Rectè facit Pilatus, quod in Pontificibus, Senioribus & Scribis malum hoc propositum reprehendit: Sed idem mili facere videtur, quod verbi Præco, qui ex fugi-  
gestu alios docet, non furandum esse, &  
ipse furatur, Rom. 2. v. 21. Ita se h̄ic Pilatus absolvere inititur, dum ad Judæos ait: Vos videritis: cui tamen rectè replicasses: Tu videris Pilate. Noverat enim Christum innocentem esse, propterea que justitia nominaverat, & tamen clamore Pontificum & Seniorum, terretur, ut ad mortem condemnnet eum.

Christiani Magistratus ante omnia conscientiam suam illibatam servent, ne æternum vñ sibi attrahant, quod Deus omnibus illis minatus est, qui dicunt malum bonum, & bonum malum, Isa. 5. v. 20.

3. *Eventus.* Ubitria notanda:

1. *Judeorum stipulatio.* Pilatum enim absolvunt, & omnia suæ excusationi reser vant, ideo universus populus clamat: Sanguis ejus supernos, & super filios nostros. Quod verbum optimum, sed pessimâ intentione prolatum, ut Hieronymus scribit. Quod enim h̄ic sibi imprecati sunt, abundè in illis & liberis eorum impletum est, ita ut in totum orbem dispersi, in execrationem & maledictionem supersint, Jer. 42. v. 18.

Idcirco nemo se neque liberos suos di-  
ris devoveat. Nam benedictio Patis fir-

mat domos filiorum: Maledictio autem matris evertit fundamenta, Sir. 3. ver. 11. Interea alio sensu h̄ac Judæorum impreca-  
tione uti possumus, verâ fide dicentes: O JEsu Christe! Sanguis tuus super nos,  
& super filios nostros: Expiate nos velis,  
Domine, hyssopo sanguinis tui & munda-  
bimur: lavabis nos, & super trivem deal-  
babimur, Psal. 51. v. 9. In te enim habemus redemtionem per sanguinem tuum, remis-  
sionem peccatorum, Eph. 1. v. 7.

2. *Barraba liberatio.* Tunc, inquit Evan-  
gelista, dimisit illis Barrabam. H̄ac in re  
Pilatus contrà legem & rationem pecca-  
vit. In lege enim mandatum erat, ut son-  
tes debitâ pœnâ afficerentur. Quod si igit  
tur velut Ethnicus id minus observare vo-  
lueret, Romanorum judicia eum non la-  
tuerunt, qui facinorosos non impunè di-  
mittebant. Idque justitiae maximè con-  
fertaneum est. *Qui enim parcit malis, nocet bonis.* Quinimò unius viri malitiam sapè  
universa civitas vel provincia lauit, ut rectè  
Salomo dicat: Unus peccator multa bo-  
na perdet, Eccles. 9. v. 18.

Observent hoc Christiani Magistratus,  
ut peccata & flagitia, pro meritis puniant,  
ne iram & vindictam Dei, sibi atque sub-  
ditis suis attrahant. Non parcat ei oculus  
tuus, Deut. 13. v. 8.

3. *Ultima sententia proclamatio.* Jesum namque flagellatum tradidit eis, ut cruci-  
figeretur.

Exemplum h̄ic habemus iniqui iudicis,  
qui multos in mundo fratres reliquit, plus  
meruentes homines quam Deum; aut alio-  
rum amicitiae tribuentes, quod coram  
Deo, atque conscientiâ sua in æternum  
excusare nequeunt. Tale crimen ne ju-  
dix

**Dominica Iudica.**

dex incurrat, caveat. Si peccaverit vir in virum, tum judicant Dii: Si autem in Dominum peccaverit vir, quis orabit pro eo? 1.Sam.2. v. 25.

Interea condemnatio Christi in solatium nostrum vergit. Ratione enim tristissimi lapsus eorum nobiscum devenerat, ut undique Crucifige super nos exclamatum sit.

In cœlo dicebat Deus: Crucifigatur: semel à me dictum est, quocunque die homo de arbore vetita comederit, morte moriatur, quod verbum nunquam mutabitur, sed immotum manebit. Cœlum enim & terra transibunt, verba autem mea non transibant, Luc. 21. v. 33.

In inferno clamabant Diaboli: Crucifigatur, quorum libido erat, ut & nos catenis noctis in tartarum detruderemur vinciti, 2. Petr. 2. v. 4. datur i poenas, interitum æternum à facie Domini, & à gloria virtutis ejus, 2. Thess. 1. v. 9.

In his terris adhuc hodie locum habet: Crucifigatur. Variationes enim & exercitus adversus nos sunt, Job. 10. v. 17. Hic semper cogitationes, & timores cordis, ad inventio expectationis, & dies finitionis, Sir. 40. v. 2. Nos judicem nostrum habemus, qui sententiani super nos pronunciat annunciam nobis: Dispone domui tuae, Esa. 38. v. 1. Verum Servator noster Jesus, Mediator noster factus, judicium condemnationis subiit, ut nos absolvemur. Non amplius nunc audiendum nobis, triste illud Crucifige, sed Justificetur & vivat: non enim Dominus deletatur in perditionibus nostris, Tob. 3. v. 22.

Die novissimo demum verâ vita perfuerum, Sir. 48. v. 12. Quando nos Dominus sibi adscilceret, ut simus cum eo semper, 1. Thess. 4. v. ult.

Hoc JESU! nobis largire  
Amen.

**DOMINICA PALMARUM.**

Textus.

*Historia Passionis, usque ad finem.***EXORDIUM.**

**V**eneranda Antiquitas præsentem Dominicam appellavit Dominicam Palmarum: semel ratione ramorum, quos populus præcidit, & in ingressu Christi in viâ stravit, fuerunt enim rami palmarum, ut Johannes indicat, cap. 12. v. 13. Deinde hoc ipso Christus maximè respicitur, qui per palmam præfiguratus est. Propterea in-

quit: Quasi palma exaltata sum in ripâ, transite ad me omnes, qui concupiscitis me, & à generationibus meis implemini, Sir. 24. v. 18. 26.

Meditatio Evangelii suggestit

1. *Triplacem Querelam, si relpiciamus*
1. *Palma pressurum, quâ ab ipsâ infantiâ usque in sepulchrum affectus est. Bethlehemi non invenit locum in diversorio,*

*sed*